


幼科準繩


卷一甲



| | |
|-----|------|
| 漢書門 | 一三五九 |
| 類 | 二四九 |
| 函 | 三〇九 |
| 架 | 三八 |
| 冊 | 七 |

| | |
|----|------|
| 漢書 | 一三五九 |
| 類 | 二四九 |
| 函 | 三〇九 |
| 架 | 三八 |
| 冊 | 七 |

| | |
|------|---------|
| 内閣文庫 | |
| 番號 | 漢 12549 |
| 冊數 | 78 (48) |
| 函號 | 301 62 |



綴じ部(喉部分)の文字等が開きが不鮮明な場所あり

幼科證治準繩集之一

金壇王肯堂字泰甫輯

證治通論

論五藏所

心主驚 實則叫哭發熱飲水

而搖 虛則卧而悸動不安 肝主風 實則目直

大叫呵欠項急頓悶 虛則前綱目作咬牙多欠氣熱則

外生氣温則内生綱目外生內生脾主困 實則

困睡身熱飲水 虛則吐瀉生風 肺主喘 實則

悶亂喘促有飲水者有不飲水者 虛則哽氣長出

氣。腎主虛無實也。惟瘡疹腎實則變黑陷。更當別虛實證。假如肺病又見肝證。前牙多呵欠者易治。肝虛不能勝肺故也。若目直大叫哭。項急頓悶者難治。蓋肺久病則虛冷。肝強實而反勝肺也。視病之新久虛實。虛則補母。實則瀉子。

五藏病

肝病哭叫目直呵欠頓悶項急。心病多

叫哭驚悸手足動搖發熱飲水。脾病困睡泄瀉不

思飲食。肺病悶亂哽氣長出氣氣短喘急。腎病

無精光畏明體骨重。潔熱則從心寒則從腎嗽而

氣上從肺風從肝瀉從脾假令瀉兼嗽又氣上乃脾

肺病也宜瀉白益黃散合而服之。脾苦濕肺苦燥氣

上逆也其症見瀉又兼面色黃腸鳴啾啾者宜服理

中湯瀉而嘔者宜服茯苓半夏湯如瀉而渴熱多者

宜服黃芩厚朴湯不渴而熱少者宜服白朮厚朴湯

其他五藏若有兼症皆如此類推之更詳後論四時

推移用藥

五藏相勝

肝病秋見一作日晡肝勝肺也肺怯不能勝

肝當補脾治肝益脾者母能令子實也補脾益黃散

治肝瀉青丸主之。肺病春見一作早晨肺勝肝也肝怯

故受病當補肝腎治肺補肝腎地黃丸治肺瀉白散

主之。肝病見秋木旺肝勝肺也宜補肺瀉肝輕者
 肝病退重者唇白而死。肺病見春金旺肺勝肝也
 當瀉肺輕者肺病退重者目淡青必發驚更有赤者
 當搖。海藏云為肝怯故目淡青色也。心病見冬火旺心勝腎也當
 補腎治心輕者心病退重者下窺不語腎怯虛也
 腎病見夏水勝火腎勝心也當瀉腎輕者腎病退重
 者悸動當搖。脾病見四旁皆倣此治之順者易治
 逆者難治脾怯當面日赤黃五藏相反隨證治之
 要右五藏相勝病隨時令乃錢氏擴充內經藏氣法
 時論之旨實發前人所未發者也假如肝病見於春

及早晨乃肝自病於本位也今反見於秋及日晡肺
 之位知肺虛極肝往勝之故當補脾肺瀉肝也餘倣
 此。潔肝勝肺則肝病身熱發搖又見肺虛喘而氣
 短病見於申酉戌時是肝真強也內經云受所制而
 不能制謂之真強法當補脾肺而瀉肝導赤散瀉黃
 散主之。劉宗厚云此皆五藏相勝病機不離五行
 生剋制化之理者蓋小兒初生襁褓未有七情六慾
 只是形體脆弱血氣未定藏府精神未完所以有藏
 氣虛實勝乘之病但世俗不審此理往往遇是率指
 為外感內傷而用藥致枉死者多矣悲夫錢氏論時

有脫略幸而潔古補之今特參附誠無窮之惠也

潔古論五藏五邪相乘補瀉大法

五藏子母虛實

鬼賊微正若不達旨意不易得而入焉。在前者為實邪子能令母實拒賊傷於母其子又引母所尅者妻來相助故曰實邪也在後者為虛邪母引子之鬼賊至由母能使子虛也內經云子能令母實母能令子虛此之謂也。妻來乘夫為微邪夫來乘妻為賊邪法當瀉鬼補本藏本藏自病為正邪當虛則補之實則瀉之內經云滋苗者必固其根伐下者必枯其上逆其根伐其本則敗其真矣。心主熱自病或大

熱瀉心湯主之實則煩熱黃連瀉心湯主之虛則驚

悸生犀散主之。肺乘心被邪喘而壯熱瀉白散主

之。肝乘心虛邪風熱煎大羌活湯下大青丸主之

。脾乘心實邪泄瀉身熱瀉黃散主之。腎乘心賊

邪恐怖惡寒安神丸主之。肺主燥自病則喘嗽燥

則潤之實則喘而氣盛瀉白散主之虛則喘而少氣

先益黃散後阿膠散主之。心乘肺賊邪熱而喘嗽

先地黃丸中導赤散後阿膠散主之。肝乘肺微邪

惡風眩冒昏憤嗽羌活膏主之。腎乘肺實邪憎寒

嗽清利百部丸主之。脾乘肺虛邪體重吐痰泄瀉

嗽人參白朮散主之。肝主風自病則風搖拘急肝苦急急食甘以緩之佐以酸苦以辛散之實則風搖力大瀉青丸主之虛則風搖力小地黃丸主之。心乘肝實邪壯熱而搖利驚丸涼驚丸主之。肺乘肝賊邪氣盛則前伸呵欠微搖法當瀉肺先補本藏補肝地黃丸主之瀉肺瀉白散主之。脾乘肝微邪多睡體重而搖先當定搖瀉青丸主之搖止再見後證則別立法治之。腎乘肝虛邪憎寒呵欠而搖菴活膏主之。脾主濕自病則泄瀉多睡體重昏倦脾苦濕急食苦以燥之實則泄瀉赤黃睡不露睛瀉黃散主之虛則泄瀉色白睡露睛白朮散主之。肝乘脾賊邪風瀉而嘔茯苓半夏湯主之。心乘脾虛邪壯熱體重而瀉菴活黃芩蒼朮甘草湯主之。肺乘脾實邪能食不大便而嘔吐嗽煎檳榔大黃湯下葶藶丸。腎乘脾微邪惡寒泄瀉理中丸之類主之。腎主寒自病則足脛寒而逆人之五藏惟腎無實小兒瘡疹變黑陷則是腎實水剋退心火。心乘腎微邪內熱不惡寒桂枝湯主之。肺乘腎虛邪喘嗽皮澁寒百部丸主之。肝乘腎實邪拘急氣搖身寒理中丸主之。脾乘腎賊邪體重泄瀉身寒理中丸主之。

通論
卷十
四
嗽人參白朮散主之。肝主風自病則風搖拘急肝苦急急食甘以緩之佐以酸苦以辛散之實則風搖力大瀉青丸主之虛則風搖力小地黃丸主之。心乘肝實邪壯熱而搖利驚丸涼驚丸主之。肺乘肝賊邪氣盛則前伸呵欠微搖法當瀉肺先補本藏補肝地黃丸主之瀉肺瀉白散主之。脾乘肝微邪多睡體重而搖先當定搖瀉青丸主之搖止再見後證則別立法治之。腎乘肝虛邪憎寒呵欠而搖菴活膏主之。脾主濕自病則泄瀉多睡體重昏倦脾苦濕急食苦以燥之實則泄瀉赤黃睡不露睛瀉黃散主之虛則泄瀉色白睡露睛白朮散主之。肝乘脾賊邪風瀉而嘔茯苓半夏湯主之。心乘脾虛邪壯熱體重而瀉菴活黃芩蒼朮甘草湯主之。肺乘脾實邪能食不大便而嘔吐嗽煎檳榔大黃湯下葶藶丸。腎乘脾微邪惡寒泄瀉理中丸之類主之。腎主寒自病則足脛寒而逆人之五藏惟腎無實小兒瘡疹變黑陷則是腎實水剋退心火。心乘腎微邪內熱不惡寒桂枝湯主之。肺乘腎虛邪喘嗽皮澁寒百部丸主之。肝乘腎實邪拘急氣搖身寒理中丸主之。脾乘腎賊邪體重泄瀉身寒理中丸主之。

通論
凡五藏虛弱是自已正令不行乃鬼賊之所尅害
當補本藏之正氣假令肺病喘嗽時於初春見之法
當補腎見於夏救肺見於秋瀉肺見於冬補心瀉本
藏又名寒嗽大抵五藏各至本位卽氣盛不可更補
到所克位不可更瀉

五藏補瀉法 錢凡病先虛或已經下有合下者必先
實其母後瀉其子也假令肺虛而痰實此可下之證
先當益脾後方瀉肺也。瀉青丸又名瀉肝丸 錢
氏謂肝無補法故無補肝藥王海藏以四物湯內加
防風羌活等分爲細末煉蜜丸名補肝丸 又以瀉

青丸去梔子大黃名鎮肝丸治肝虛。導赤散瀉丙
小腸。瀉心湯瀉丁心。安神丸治心虛疴熱神思
恍惚。海藏八物定志丸補心正藥。益黃散又名
補脾散海藏云此劑補脾以燥濕東垣云治胃中寒
濕嘔吐腹痛瀉利清白之聖藥也。瀉黃散又名瀉
脾散海藏云瀉脾熱。阿膠散又名補肺散海藏云
杏仁本瀉肺非若人參天門冬麥門冬之類也。瀉
白散又名瀉肺散海藏云治肺熱骨蒸自汗用此直
瀉之梔子黃芩亦瀉肺當以氣血分之。地黃丸卽
金匱八味丸去桂附海藏云治腎虛解顛卽眩病也

治脉毛而虛。錢氏謂腎無瀉法故無瀉腎藥海藏瀉腎丸治脉洪而實即前地黃丸熟地改生地去山茱萸是也此治左手本部脉若右尺洪實以鳳髓丹瀉之。詳見五藏各門總論

察色 古稱望而知之謂之神而小兒醫號為啞科脉

來駛疾難於指下分明尤以察色為要故首叙之。夫嬰兒惟察其面部必有五色以知病源人身五體以頭為首首中有向向中有睛睛中有神神者目中光彩是也隱顯橫衝應位而見以應五藏五色者青黃赤白黑五藏之色心赤肝青脾黃肺白腎黑五藏所主病證蘊於內必形色見於外故小兒有病先觀其本部形色以論其五行生尅吉凶形色若不相應然後聽聲切脉

錢面上證 左顛為肝合左手關位肝膽之分 右

顛為肺合右手寸脉肺與大腸之分 額上為心合左手寸

口心與小腸之分應於燥金為五之氣 鼻為脾合右手關脉脾胃之分應於濕土為四之

於君火為二之氣 頰為腎合左手尺下腎與膀胱之分應於寒水為終之氣 赤者熱也

黃者積也白者寒也青黑者痛也隨證治之。水類鈴方云青色者為驚積不散欲發風候。紅赤色者為熱為痰積壅盛驚悸煩躁增進。黃色者亦為熱

通論
爲食積癥傷欲作疳候或作痞癖若神思昏沉其候
潮熱氣羸困倦或嘔噦或瀉痢 白色爲寒爲肺氣
不利大腸滑泄欲作吐利 黑色者爲痛所傳不煩
變證卽爲逆候榮衛失序爲疾危惡。企嬰方云左
頰屬肝東方之位春見微青者平深青者病白色者
絕赤色主身熱拘急肝熱生風青黑色主驚悸腹痛
淺赤色主潮熱夜間發口中歇唇紅焦燥脉必緊數
右頰屬肺西方之位春見微白者平深白者
病赤色者絕淺色主潮熱或大便堅而氣羸壅嗽青
白色主咳嗽惡心青色主風入肺時時咳嗽青黑色
主驚風欲發或肚疼盤腸內吊 額上屬心南方之
位火性炎上故居上夏見微赤者平深赤者病黑色
者絕赤色主心經有風熱心躁驚悸睡卧不安青黑
色主心中有邪驚風腹疼手足痠痲而啼叫青黑甚
至心腹疼黃色主驚疳骨熱渴皮毛乾燥夜多盜汗
頭髮焦黃 鼻上屬脾中央之位故居中而四季見
微黃者平深黃者病青色者絕赤色主身熱不思乳
食深黃色主小便不通鼻孔乾燥氣羸鼻衄夜間多
哭淡白色主泄瀉食不化青色主吐乳口鼻乾燥大
小便不利 下頰屬腎北方之位水性潤下故居下

冬見微黑者平。深黑者病。黃色者絕。赤色主膀胱與腎爲表裏。有熱則水道不利。故小便癰閉。水類鈴友肝部所主。睛中瞳人內藏其神。外究五輪。眦眦屬脾熱。卽生眵。兩眦總心熱。痛如鍼。白屬肺家熱。赤生硃黃。屬肝藏昏瞽。障中心瞳人。腎熱不明。眼忽眨竄發風發驚。心部所主。顴面臉頰皆屬心位。黑卽沉困青卽驚悸。赤心發風。白卽疳氣。虛黃衛積浮腫。氣逆心絕。何因大叫數聲。過關不叫。必作鴉聲。加熱驚讖。散熱清心。脾部所主。唇口見病人中承漿。四圍上下合口。脾鄉開口屬心。心脾有熱。脣裂舌瘡。三焦積熱。脣紅如血。深紅重渴。鵝口。木舌。重舌。脾肺熱。就口內噴臭。脾腎氣寒。色如死肝。大驚一嚇。口乾脣白。常時積驚。漸必傳心。心氣不足。令兒煩哭。何知脾絕。指甲皆黑。目無神光。定難用藥。五種撮口驚風更惡。不治証。肺部所主。鼻準兩孔并連山根。大小二眦。肺部所存。鼻孔黑煤。卽肺經焦黑。煤如墨。肺經卽絕。鼻中赤癢。疳盛。蛔長。或瀉白涕。腦寒困寐。或流清涕。傷風喜睡。肺熱鼻塞。因息吹得。或感風寒。亦閉關隔鼻爛。卽疳鼻臭積熱。腎部所主。耳穴之前名曰耳花。耳孩名輪。輪裏名廓。輪廓焦黑。腎家虛熱。

其黑如炭腎絕死且耳門生瘡衛積非常耳中膿出
腎熱汗極臭名聾耳膿汁不止瘡癢如烈其候虛熱
忽聽不聰心腎氣壅常作闕闕熱氣上攻或如蟲刮
榮虛衛熱耳輪如米史看耳後有紅絲麻痘相侵耳輪紅熱
傷寒是則熱極內痛腫氣相攻清心涼膈關竅通塞
兒孩兩腎常虛無病切莫攻擊補更無益。潔肝病
面白。肺病面赤。脾病面青。腎病面黃。心病
面黑。若肝病驚搖而又加面白痰涎喘急之類此
皆難治餘倣此推之假令春分前風寒也宜用地黃
羌活防風或地黃丸及瀉青丸相間服之春分後風
熱也宜用羌活防風黃芩或瀉青丸導赤散下之立
夏後熱也宜用三黃丸導赤散夏至後濕熱也宜用
導赤散瀉黃散合而服之或黃芩人參木香之類秋
分後用瀉白散立冬後用地黃丸主之謂腎不受瀉
也。薛青主驚積不散欲發風候紅主痰積驚悸黃
者食積癥傷欲作疳癖白主泄瀉水穀更欲作吐黑
主臟腑欲絕。印堂青主初患驚瀉紅主大驚夜啼
黑主客忤。山根青主二次驚瀉後發躁黑黃甚者
死。年壽平陷主夭青主發熱生驚黑主利死紅主
躁死微黃曰平黃甚曰霍亂。承漿青主食時被驚

黃主吐逆亦主血利黑主驚風。面眼黑睛黃主有
 熱白睛黃主食積疳疔白睛青主驚風黑睛黃主傷
 寒。眉上青吉忽紅主煩躁夜啼黃主霍亂久病紅
 者死。風氣二池青主風候紫主吐逆或發熱黃主
 吐逆赤主煩躁夜啼。兩顴赤主肺有客熱。兩太
 陽青主二次受驚青自太陽入耳者死紅主血淋
 兩臉青主客忤黃主痰溢赤主風熱。兩頰赤主傷
 寒兩顴青主吐蟲。兩金匱青主第三次驚風黑透
 口二日死青連目入耳七日死。兩風門紅主風熱
 黑主疝青主水驚黑從眉入目即日死唇黑不食者

死。面青眼青肝病面赤心病面白肺病面黃脾病
 面黑腎病。額間赤色主心經有熱煩躁驚悸若飲
 水或叫哭屬本經實熱用瀉心散以清心火微赤困
 卧驚悸熱渴飲湯屬虛熱用秘旨安神丸以生心血
 青黑主驚風腹痛或痰瘕啼叫用五味異功散加木
 香柴胡鈞藤鈎補脾肝青黑主心腹作痛此寒水乘
 心用益黃散微黃主驚疳用安神丸。左臉青或兼
 赤主肝經風熱項強頓悶目劓瘕瘕用柴胡清肝散
 色微赤倏熱咬牙屬虛熱用地黃丸青黑主肝剋脾
 而驚搐腹痛用六君子加薑桂微赤主潮熱血虛心

躁先用秘旨安神丸。次用地黃圓。右臉赤主風邪氣麤咳嗽發熱飲水爲實熱用瀉白散若哽氣出氣唇白氣短屬虛熱用五味異功散若脾熱所傳用清胃散心火所刑用人參平肺散淡赤主潮熱心躁或大便堅秘用宣明柴胡飲子以疎導如潮熱未止更用釣藤飲以清肝色青白主咳嗽惡心先用惺惺散解表邪健脾土更以六君子湯調補中氣色青黑主驚風腹痛盤腸內釣用六君釣藤鈎平肝補脾。鼻微黃爲平赤主脾胃實熱身熱飲水乳食如常用瀉黃散清熱理脾微赤主脾經虛熱身涼飲湯乳食少思用五味異功散補中健脾色深黃主小便不通鼻中乾燥氣麤衄血乃脾熱傳於肺腎先用濟生犀角地黃湯後用地黃丸色淡白乃脾虛泄瀉乳食不化用六君子湯調補中氣青色主脾土虛寒肝木所勝用五味異功散加木香炮薑溫中平肝黑爲死候頰間色赤主腎與膀胱氣滯熱結而小便不通用五苓散以分利鼻準微黃兼右腮微赤乃脾肺燥熱不能化生腎水用黃芩清肺飲膀胱陰虛陽無所生用滋腎丸若頰間微赤乃膀胱陽虛陰無所化用六味地黃丸若小腹脹滿或陰囊腫脹屬陰虛濕熱壅滯

用六味丸加車前牛膝脾肺氣虛不能通調水道者亦用前藥其小便赤色久而尿血亦屬肝腎氣虛有熱用六味地黃丸如不應則用補中益氣湯益脾肺生肝腎若小便後出白津或莖中作痛屬肝經濕熱先用龍膽瀉肝湯後用六味地黃丸。印堂青黑主腹痛夜啼此脾氣虛寒也脾為至陰故夜間腹痛而啼用釣藤飲色淡白主泄瀉乳食不化屬脾氣虛弱用五味異功散加木香。人中黃主傷乳胃逆青主下利乳食不化暖氣酸腐此脾虛停滯先用大安丸消食後用異功散健脾黑主蛔蟲咬痛。唇色白主

吐涎嘔逆或吐血便血乃脾氣虛弱不能攝涎統血歸源急用六君子湯色赤乾燥而皺者主脾經熱渴大便不通煩熱不寐先以清胃散治其熱次以四君子湯黃連山梔調其脾黃主食積泄瀉乳食不化以六君子湯健脾色赤兼白主衄血乃脾肺虛熱不能攝血歸原用聖濟犀角地黃湯清熱補血用四君子湯以補脾氣如久不應則用麥門冬散或人參安胃散。口畔色黃主脾經積熱用清胃散久病用四味肥兒丸以治疳熱唇口抽動主驚熱不安用異功散加山梔釣藤鈎補脾平肝若口流涎唇色紫乃脾氣虛寒用

異功散加炮薑木香若腹中痛口吐涎乃蟲作痛先用蕪荑散後用調中丸不吐涎是積痛也用異功散手足厥冷用理中湯加烏梅溫補中氣而痛自止或吐後或大便去後而痛止者先用下積丸後用異功散。白主失血死青主驚風死黑色繞口者不治耳後微赤此少陽經風熱用柴胡飲子清肝生血微黃主睡中驚悸咬牙用四君子加芍歸升麻以調理脾氣。耳乾燥主骨疢蒸熱作渴盜汗用地黃丸若小便後出白津或玉莖癢痛婦肝經濕熱先用龍膽瀉肝湯後用地黃丸若稟賦腎氣不足或早近女色致

小便澀滯或作痛如淋者急用地黃丸補中益氣湯滋其化源或大小便去後穀道牽痛者其虛尤甚用前丸加牛膝車前肉桂如手足逆冷或畏寒少食陽氣虛寒也急加附子多可得生大抵多因稟賦臟氣不平或乳食寒暑失節或妊娠乳母飲食起居六淫七情所致若初病元氣無虧乳食如常發熱壯熱二便秘結作渴飲水睡不露睛者悉屬形病俱實當治邪氣若病久元氣已虧食少發熱口乾飲湯嘔吐泄瀉肢體畏寒而露睛者悉屬形病俱虛當補正氣更宜審胎氣之虛實臟腑之相勝而治之庶無悞矣

目

錢目內證 赤者心熱導赤散主之 淡紅者心虛

熱生犀散主之 青者肝熱瀉青丸主之 淺淡者補

之 黃者脾熱瀉黃散主之 無精光者腎虛地黃

丸主之 如見面目浮腫主久咳嗽乃脾受疴積也

唇

凡小兒唇白主吐涎嘔逆吐血使血唇紅渴飲煩躁

如久渴瀉唇紅者是虛證也不可用涼藥唇黃主脾

受積後發腫唇口紫及吐涎者主蟲痛不吐涎者是

積痛唇口四畔黃如橘主口臭乃脾之積熱也唇青

主血虛脾寒為冷所乘蓋唇主脾土木來尅土知脾

弱不能食也

舌

凡小兒舌乾舌白舌燥舌脆舌黃舌赤腫皆主大便

不通或通利必色焦黃如舌裂舌上芒刺舌上出血

皆熱極陽毒也舌上生瘡心脾有熱舌捲主驚久患

瀉利舌黑必潤不可認為熱蓋久病上焦虛熱故也

久瀉痢舌黑者必死

重

重實聲重實雄聲體熱為三焦氣壅在心脾傷風咳

嗽喉咽痛結澀腸中糞出遲

悲焦聲聲悲焦有燥恐怖欲生風重濁聲沉靜疴攻

必耳聾

通論
啼哭聲但哭無啼只是驚多啼不哭痛分明聲輕顫
嘔風痲病速緩聲頻吐瀉成

噤煎聲噤煎煩躁病難安燥促聲音為感寒語短氣
微尿主澀長遲聲細痢多般

遲緩聲語短聲遲緩腸鳴泄瀉頻嘔聲多不響風熱
肺家因

脈法候兒脈當以大指按三部一息六七至為平和

八九至為發熱五至為內寒脈弦為風痲沉緩為傷
食促急為虛驚弦急為氣不和沉細為冷浮為風大
小不勻為惡候為鬼祟浮大數為風為熱伏結為物

聚單細為疳勞凡腹痛多喘嘔而脈洪者為有蟲沉
而遲潮熱者胃寒也溫之則愈訣曰小兒脈緊風痲
候沉緩食傷多嘔吐弦急因知氣不和急促急驚神
不守冷則沉細風則浮牢實大便應秘久腹痛之候
緊而弦脈亂不治安可救變蒸之時脈必亂不治自
然無過繆單細疳勞洪有蟲大小不勻為惡候脈沉
而遲有潮熱此必胃寒來內寇瀉利脈大不可醫仔
細酌量宜審究雲岐子云未及五歲不可視聽者未
遲數按錢氏論又
不拘五歲上下也

脈應雜病

卷十一

十一

諸數脉 為熱屬腑

諸遲脉 為冷屬臟

陽數脉 主吐逆不吐必發熱

陰微脉 主泄瀉不瀉必盜汗

沉數脉 寒熱寒多熱少亦主骨蒸熱

緊數脉 寒熱熱多寒少又主骨熱急則驚癇

沉緊脉 心腹痛短數同亦主咳嗽

沉細脉 乳食不化亦主腹痛下痢

沉伏脉 為積聚亦主霍亂

微緩脉 乳不化泄瀉沉緩亦同

微澀脉 瘕瘕筋攣

微急脉 寒熱唾血

浮滑脉 宿食不消亦主咳嗽

浮緊脉 疝氣耳聾

浮弦脉 頭疼身熱

緊滑脉 吐血惡

心脉急數 驚癇不驚者疝淋

肝脉急甚 顛癇風癇痰涎流液

肺脉浮實 鼻塞并大小便不通

關脉緊滑 主蛔蟲入脉沉亦主蛔

尺脉微細 溇泄冷痢乳食不化

尺脉微澀 便血無血者必盜汗

脉過寸口入魚際 主遺尿

審脉逆順

驚搖脉 浮數順沉細逆身溫順肢冷逆

夜啼脉 微小順洪大逆身冷逆

心腹痛 沉細順浮大逆身溫順肢冷逆

傷寒脉 洪弦順沉細逆浮大順微伏逆

汗後脉 沉細順洪緊逆困睡順狂躁逆

溫病脉 洪大順沉細逆身熱順腹痛逆

咳嗽脉 滑浮順沉細逆身溫順肢冷逆

霍亂脉 浮洪順遲微逆身溫順肢冷逆

吐衄脉 浮大順沉細逆身溫順肢冷逆

泄瀉脉 緩小順浮大逆身溫順肢冷逆

諸痢脉 沉細順浮大逆身溫順肢冷逆

諸渴脉 洪數順微細逆身溫順肢冷逆

諸腫脉 浮大順沉細逆臟實順腸泄逆

腹脹脉 浮大順虛小逆臟實順泄瀉逆

痰喘脉 滑大順沉細逆身溫順肢冷逆

寒熱脉 緊數順沉細逆倦怠順強直逆

疳勞脉 緊數順沉細逆臟實順脾泄逆

蟲痛脉 緊滑順浮大逆身温順唇青逆

諸失血 沉細順浮數逆身温順發熱逆

中惡腹脹 緊細順浮大逆身熱順身冷逆

黃疸脉 浮大順沉細逆腹寬順泄瀉逆

火痺脉 浮洪順沉細逆身熱順身冷逆

錢仲陽云小兒之脉氣不和則弦急傷食則沉緩虛

驚則促急風則浮冷則沉細脉亂者不治。水鏡訣

云陰陽運合男女成形已分九竅四肢乃生五臟六

腑部分既別逆順難明若憑寸口之浮沉必乃橫亡

於孩子須明虎口辨别三關消詳用藥始無差誤本

至三歲看虎口食指第一節名風關脉初見易治第

二節名氣關脉見病深難治第三節名命關脉見死

不治三關青是四足驚赤是水驚黑是人驚紫色瀉

利黃色雷驚三關通度是極驚之症必死或青或紅

有紋如線一直者是乳食傷脾必發驚熱左右一樣

者是驚與積齊發有三條或散是肺生風痰或似駒

鬚聲有赤是傷寒及嗽如紅火是瀉紅黑相兼主下

痢青多白痢紅多赤痢紫色相兼加渴虎口脉紋亂

主胃氣不和青是驚與積青黑發慢驚脉入掌乃肉

釣指紋曲裏風盛彎外食積此論三歲以上之法
 若三歲以下更用一指按高骨乃分三關定其息數
 呼吸八至為平脉九至不安十至危困浮主風沉遲
 主虛冷實主有熱緊主癩癩洪主熱盛沉緩主虛瀉
 微遲有積有蟲遲澀主胃脘不和沉主乳食難化沉
 細主乳食停滯緊弦主腹中熱痛牢實主大便秘沉
 而數者骨中有熱弦長是肝膈有風緊數乃驚風為
 患四肢掣顫浮洪乃胃口有熱沉緊主腹痛有寒虛
 濡者有氣又主慢驚乳主大便利血。四歲以下用
 一指袞轉尋三部以關為準七八歲移指少許九歲

次第依三關部位尋取十一十二歲亦同十四十五
 歲依大方脉部位診視。凡看脉先定浮沉遲數陰
 陽冷熱沉遲為陰浮數為陽更兼看部位青主驚風
 白主虛瀉赤主痰熱黑色病甚黃主脾疳以此相參
 察病治療庶無誤矣。全初心鑑云小兒半歲之際
 有病當於額前眉端髮際之間以名中食三指曲按
 之兒頭在左舉右手在右舉左手食指為上中指為
 中名指為下三指俱熱主感風邪鼻塞氣麤發熱咳
 嗽若三指俱冷主外感風寒內傷飲食發熱吐瀉若
 食中二指熱主上熱下冷名中二指熱主夾驚之疾

食指熱主胸滿食滯又當參辨脉形主之。流珠形主飲食所傷內熱欲吐或腸鳴自利煩躁啼哭用助胃膏消飲食分陰陽若食消而病仍作用香砂助胃膏以補脾胃。環珠形主脾虛停食胸膈脹滿煩渴發熱用五味異功散加山查枳實健脾消食後用六君子湯調養中氣。長珠形主脾傷飲食積滯肚腹作痛寒熱不食先用大安丸消其積滯次以異功散健其脾氣。來蛇形主脾胃濕熱中皖不利乾嘔不食此疳邪內作先用四味肥兒丸治疳後用四君子湯補脾。去蛇形主脾虛食積吐瀉煩渴氣短喘急

不食因睡生六君子湯加枳實健脾消積次以七味白朮散調補胃氣。弓反裏形主感冒寒邪噎氣出氣驚悸倦怠四肢稍冷小便赤色咳嗽吐涎先用惺惺散助胃氣祛外邪後以五味異功散加茯苓當歸養心血助胃氣若外邪既解而驚悸指冷脾氣受傷也宜用七味白朮散補之若齒亂氣麤喘促哽氣者難治脾虛甚故也。弓反外形主痰熱心神恍惚夾驚夾食風癩痰盛先以天麻防風丸祛外邪又用五味異功散調中氣。鎗形主風熱生痰發搐先用抱龍丸如未應用牛黃清心丸若傳於脾肺或過用


風痰之藥而見一切諸症者專調補脾胃。魚骨形主驚痰發熱先用抱龍丸治之如未應屬肝火實熱少用抑青丸以清肝隨用六味丸以補肝或發熱少食或痰盛發搖乃肝木尅脾土用六君子湯加柴胡補脾土以制肝木。水字形主驚風食積胸膈煩躁頓悶少食或夜啼痰盛口噤搐搦此脾胃虛弱飲食積滯而木尅土也先用大安丸消導飲食次以六君子湯加釣藤鈎補中清肝若已服消食化痰等劑而病不愈者用四君升麻柴胡釣藤鈎升補脾氣平制肝木。鉞形主心肝熱極生風驚悸頓悶困倦不食痰盛搐搦先用抱龍丸祛風化痰次用六君子加釣藤鈎平肝實脾。透關射指形主驚風痰熱聚於胸膈乃脾肺虧損痰邪乘聚先用牛黃清心丸清脾肺化痰涎次用六君子湯加桔梗山藥補脾土益肺金。透關射甲形主驚風肝木尅脾土之敗症急用六君子湯加香釣藤鈎官桂溫補脾土未應卽加附子以回陽氣多得生者嘗聞古人云小兒爲芽兒如草之芽水之漚蓋因臟腑脆嫩口不能言最難投劑當首察面色而知其所屬次驗虎口以辨其所因實爲治法之簡要也。

虎口三關脉紋





十三指形


流珠形




長珠形




環珠形




來蛇形




去蛇形




弓反外形




通論
弓反裏形




魚骨形




鎗形




鍼形




水字形



透關射指形



透關射甲形



通論

刀斗

二

流珠只一點紅色環珠差大長珠圓長已上非謂
子總皆紅脉貫氣之如此來蛇卽是長珠散一頭大
一頭尖去蛇亦如此分上下朝故曰來去角弓反張
向裏爲順向外爲逆鎗形直上魚骨分開水字卽三
脉竝行鍼形卽過關一二粒米許射甲命脉向外透
指命脉曲裏雖然余常治之亦有不專執其形脉而
投劑者蓋但有是症卽服是藥而亦多驗

凡小兒頤腫頤陷汗出不流如珠如油舒舌出
口舌腫發驚瀉黑黯血髮直如麻皮膚無血色此心
絕也竝壬癸日死。病重嘔哭無淚及病不哭下淚

爪甲青黑眼深如陷舌捲囊縮發搐日斜連唇口動
手如抱頭之狀或脚面直素問云其華在爪其充在
筋肝絕也竝庚辛日死。人中滿人中黑唇縮反張
唇焦枯燥唇乾紫黑唇不蓋齒血腫尿血舌縮或捲
鼻孔開張齒禁冷涎如油噉口如囊面如土色四肢
逆冷如濕石之狀吃乳不收瀉糞赤黑脾絕也竝甲
乙日死。有熱嚔湯水并藥食喉中鳴是胃脆直不
能蔭肺此證醫書少有蓋累曾試之有驗竝死不治
目直青鮮氣喘不回吃食噎嗽痰涎塞口喉中鳴響
鼻塞不通鼻乾黑燥肺脹胃膈頭汗四肢冷此肺絕

也。竝丙丁日死。面黑神昏眼黑眼腫目無光彩耳輪青黃焦枯疳牙齒落髮疎黃燥皮膚黑燥驚風咬乳曼齒洩屁黑色透口此腎絕也。竝戊巳日死。

小兒死證十五候。眼上赤脉下貫瞳人。頤門腫起兼及作坑鼻乾黑燥肚大青筋目多直視覩不轉睛指甲黑色忽作鴟聲虛舌出口齧齒咬人魚口氣急啼不作聲虵蟲既出必是死形用藥速救十無一生。

小兒病困汗出如珠者身不流者死。小兒病其頭髮皆上逆者必死。小兒病而頤陷其口唇乾目皮反口中氣出冷手足四垂其卧如縛掌中冷皆不

治。小兒中風熱喘鳴肩息脉緩則生急則死。小兒痢疾脉浮大而腹痛者必死。乳子病熱脉懸小手足溫則生寒則死。

襁褓千金論云小兒用父故絮著衣女用母故衣勿使新綿切不可過厚恐令兒壯熱生瘡發癩皆自此始。巢氏云兒始生肌膚未成不可煖衣則令筋骨緩弱宜時見風日若都不見風日則令肌膚脆軟便易傷損。嬰兒若常藏在幃幙之內重衣溫煖譬如陰地草木不見風日軟脆不任風寒。嬰兒皆當以故絮著衣莫用新綿也天氣和煖無風之時令母將

抱日中嬉戲數見風日則令血凝氣剛肌肉硬密堪耐風寒不致疾病。嬰兒又當習薄衣之法當從秋習之不可以春夏卒減其衣則令兒中風寒。嬰兒冬月但當著夾衣及衲衣之類極寒卽漸加以舊綿人家多愛子乃以綿衣過厚適所以爲害也。嬰兒又當消息無令汗出汗出則致虛損便受風寒晝夜寤寐皆當戒之。初生兒出月必須八襁褓襁褓之道必須得宜如春夏之月乃萬物生長之時宜教令地臥使之不逆生長之氣如秋冬之月乃萬物收藏之時宜就溫暖之處使之不逆收藏之氣然後血凝

氣和則百病無自而入矣。丹溪曰人生十六歲已前血氣俱盛如日方升如月將圓惟陰常不足養之之道不可不謹童子不衣裘帛前哲格言具在人耳。裳下體之服帛溫暖甚於布者也裘皮服溫軟甚於帛者也蓋下體主陰得寒涼則陰易長得溫暖則陰暗消是以下體不與綿絹夾厚溫暖之服恐妨陰氣實爲確論。

乳哺湯氏曰小兒乳哺須要得法乳者妳也哺者食也乳後不得便與食哺後不得便與乳小兒脾胃怯弱乳食相併難以尅化周歲以上必成乳癖食癖於

腹中作疼作熱疳病從此起也。丹溪曰血氣俱盛食物易消故食無時然腸胃尚脆而窄若稠粘乾硬酸鹹甜辣一切魚肉水菓濕麩燒炙煨炒俱是發熱難化之物皆宜禁絕只與熟菜白粥非惟無病且不縱口可以養德此外生栗味鹹乾柿性涼可為長陰之助然栗太補柿太澀俱為難化亦宜少與婦人無知惟務姑息畏其啼哭無所不與積成痼疾雖悔何及所以富貴驕養有子多病迨至成人筋骨柔弱有食則不能忘口以自養居喪則不能食素以盡禮小節不謹大義亦虧可不慎歟至於乳母尤宜謹節飲食下咽乳汁便通情欲中動乳脉便應病氣到乳汁必凝滯兒得此乳疾病立至不吐則瀉不瘡則熱或為口糜或為驚搐或為夜啼或為腹痛病之初來其溺必少便須詢問隨證治母母安亦安可消患於未形也。乳兒法凡乳母血氣為乳汁也五情善惡悉血氣所生宜戒喜怒一切禁忌不用狐臭癭癩氣嗽病者及身體疥癬頭瘡髮少緊唇耳聾音啞鼷鼻癩病等方可乳兒。夏中盛熱時乳母浴後或兒啼不可與妳能使兒成胃毒秋成赤白痢浴後可令定息良久熱燥乳之故無患也。聶氏曰盛啼不可食乳

恐氣逆不順聚而為逆亦能成驚風也。千金論曰：凡乳兒不可過飽飽則溢而成嘔吐若乳來多猛取出按後再乳切須乳時合先令捏去宿熱乳然後乳之如乳母欲卧寐當以臂枕之令乳與兒頭平母欲睡著時即奪其乳恐其不知飽足亦成嘔吐父母交合之間兒卧於側或驚起不可乳兒蓋氣亂未定必能殺兒也。巢氏云小兒啼未定氣息不調母不可以乳飲蓋恐乳不得下停滯胸膈則為嘔吐也。顧頤經曰夏不去熱乳令兒嘔吐冬不去寒乳令兒泄瀉復痢尤不可不謹。夜間乳兒母起身坐抱兒餵

之。每侵早欲飲乳皆須捏去宿乳。乳汁勿投於

地。蟲蟻食之令乳無汁可沃東壁上佳。乳令兒病

證喜乳涎喘生驚。孫兆云令兒上氣顛狂亦怒乳疝

氣腹脹。千金翼云怒乳令兒疝寒乳妳片不化。史記

論云乳氣寒虛冷故令便青熱乳百黃不食。千金翼

而啼千金翼云令兒咳嗽熱乳百黃不食。千金翼

嘔吐張氏云熱乳傷氣乳吐瀉腹脹。寶鑑云令兒面

損肺氣令兒龜胸氣乳吐瀉腹脹。寶鑑云令兒面

疾。乳病乳能生諸疾。孫氏云黃瘦骨蒸盜汗咳煎夜哭

多驚。千金翼云醉淫隨亂乳兒恍惚多驚淫乳必發驚癇

魁乳腹急藏冷。寶鑑云腹急而瀉胃背皆醉乳恍惚

多驚。千金翼云醉淫隨亂乳兒恍惚多驚淫乳必發驚癇

多驚。千金翼云醉淫隨亂乳兒恍惚多驚淫乳必發驚癇

多驚。千金翼云醉淫隨亂乳兒恍惚多驚淫乳必發驚癇

寶鑑云乳母淫佚情亂乳兒令吐瀉身熱啼叫如鴉不治 已上乳急欲乳兒能

生諸病不可不忌也凡喜怒氣亂未定乳兒則成吐

瀉腹痛疳黃不食寒熱壅積不散乳兒則成痰癖涎

嗽肺脹龜胃醉淫喘乳多發驚癇聖惠方云醉淫喘

乳能殺小兒聖濟經論乳者夏不欲熱熱則致吐逆

冬不欲寒寒則致下痢母不欲怒怒則令上氣顛狂

母不欲醉醉則令身熱腹滿母方吐下而乳則致虛

羸母有積熱而乳則變黃不能食新房而乳則瘦悴

交脛不能行大抵乳食不便則生疾病。哺兒法肘

後云兒初生三日應開腹助穀神碎米濃作飲如乳

酪與兒大豆許數令嚙之頻與三豆許三七日可哺

千金云兒哺早不勝穀氣令頭面體生瘡愈而復

發又尪弱難養三十日後雖哺勿多不嗜食強與之

不消復生病哺乳不進腹有痰癖四物紫丸微下之

節哺數日自愈 寶鑑云兒五十日可哺如棗核百

日彈丸早晚二哺莫抱檐下澡浴當風解衣哭未斷

而乳冒冷而哺又不可在神佛驢馬畔各房異戶之

親諸色物器竝不可觸犯之害子性為驚癇經云三

歲未滿勿食雞肉子腹生蟲。錢乙云兒多因愛惜

適當三兩歲猶未飲食致脾胃虛弱平生多病半年

後宜煎陳米稀粥。而時時與之。十月後漸與稠粥。爛飲以助中氣。自然易養。少病。惟忌生冷油膩甜物等。外臺崔氏初哺兒法。以平定成日。丑寅辰巳酉日大吉。男忌戊巳日。女忌丙丁日。斷乳法。小兒年至四五歲。當斷乳。而不肯斷者。宜用畫眉膏。斷乳之道。方可漸與肉食。則無疳癖之患。

畫眉膏

山梔參箇燒存性

雄黃少

朱砂少

右為極細末。入生麻油。輕粉各少許。調勻。候兒睡著。濃抹於兩眉上。醒來便不食乳。未效再用。加黃

丹壹錢

雜將護法。萬全論。田婦護兒。絕無他疾。譬之草木。生於深山大澤。容易合抱。至於異果奇材。縱加培養。間有不秀實者。豈貴賤異哉。兒數見風日。即血凝氣剛。肌肉硬密。堪耐風寒。以田舍兒較之。相似。田氏曰。大凡小兒。過煖生熱。熱極生風。提抱生瘡。餵飼生癖。最宜慎之。張渙曰。乳母須每日三時。摸兒項後風池。若壯熱者。即須熨之。使微汗。即瘡。諺云。戒養小兒。謹護風池。風池在頸項筋兩轅之邊。有病乃治之。疾微切。不可妄鍼灸。亦不用輒吐下。所以然者。鍼灸

傷兒經絡吐下傷動臟腑故也。嬰兒暑中常令在
稍涼處乳母勿禁新水卽不宜多。嬰兒春夏間有
疾不可亂有動下使下焦虛上焦熱變成大病矣。
嬰兒須看稟受南北之殊蓋地土寒溫不同故也。
嬰兒生後兩滿月卽目瞳子成能笑識人乳母不得
令生人抱之及不令見非常之物。嬰兒百晬任脉
生能反復乳母當存節喜怒適其寒溫。嬰兒半晬
尻骨已成乳母當教兒學坐。嬰兒二百日外掌骨
成乳母教兒地土匍匐。嬰兒三百日臙骨成乳母
教兒獨立。嬰兒周晬膝骨已成乳母教兒行步。
上件竝是定法蓋世之人不能如法存節徃徃抱兒
過時損傷筋骨切宜戒之爲吉。羅謙甫曰一小兒
五月間因食傷冷粉腹中作痛遂於市藥舖中贖得
神芎丸服之臍腹漸加冷疼時發時止踰七八年不
已因思古人云寒者熱之治寒以熱良醫不能廢其
繩墨而更其道也據所傷之物寒也所攻之藥亦寒
也重寒傷胃其爲冷痛可知矣凡人之脾胃喜溫而
惡冷况小兒血氣尚弱不任其寒故陽氣潛伏寒毒
留連久而不除也治病必先其本當用和中養氣之
藥以救前失服之月餘方愈嗚呼康子饋藥孔子拜

而受之以未達不敢嘗此保生之重者也奈何常人
拱默而令切脉以謂能知病否且脉者人之血氣附
行經絡之間熱勝則脉疾寒勝則脉遲實則有力虛
則無力至於所傷何物豈能別其形象乎醫者不可
不審其病源而主家亦不可不說其病源且此子之
父不以病源告醫而求藥於市舖中發藥者亦不審
病源而以藥付之以致七八年之病皆昧此理也孫
真人云未診先問最為有準東坡云只圖愈疾不欲
困醫三公之語其有功於世大矣

初生門

初生

薛小兒在胎稟陰陽五行之氣以生臟腑百骸藉胎
液以滋養受氣既足自然生育分娩之時口含血塊
啼聲一出隨即嚥下而毒伏於命門遇天行時氣久
熱或飲食停滯或外感風寒驚風發熱等因發為瘡
疹須急於未啼時用軟帛裹指挖去其血用黃連豆
豉硃蜜甘草解之後雖出痘亦輕矣有嚥入即時腹

脹嘔吐短氣不乳者用茯苓丸治之但黃連性寒若稟母氣膏粱積熱者宜服若滋味淡薄胎氣元弱者又不宜用其硃砂固能解毒恐金石鎮墜不若只以牛黃分許蜜調與吮為佳世多用犀角解毒丸其胎氣虛寒虛弱者反傷脾胃生氣甚致不育又有嬰兒因其難產或冒風寒而垂危者以不可使斷臍帶急烘綿絮包抱懷中急以胎衣置火中煨燒更用大紙捻於臍帶上往來燎之使煖氣入腹須臾氣復自甦尤戒洗浴恐腠理不密元氣發泄而外邪乘之也

拭口法嬰兒新產出胎急以綿裹指揩拭兒口中古

上惡血穢露謂之玉銜若啼聲一發即入腹成百病

。又看舌下若連舌有膜如石榴子若啼不出聲不

轉速以指爪摘斷之或用葦刀子割之微有血出即

活。若舌下血出多者以燒亂髮灰同豬脂少許和

塗之。聖惠云看齒根有黃筋兩條以葦刀割兒上

下唇與齒齦連處皆有一筋牽引若上唇筋緊即生

上煉下唇筋緊即生下煉上煉生瘡滿頭或眉間如

癬狀瘙癢不已復流黃汁至處生瘡下煉起腰背漸

至四肢患亦如上若疾甚不治或頭向上下相通累

年不輕又夭折或成大病是唯每日早晨拭口佳

浴兒法 兒生三日以桑槐榆桃柳各取嫩枝三寸長

者二三十節煎湯看冷熱入豬膽汁二三枚浴之

浴湯用豬膽益母草不生瘡疥用金銀虎頭骨麝丹

砂碎惡氣客忤驚用桃梅李楮根葉解體熱温壯

之病須浴時煮湯須不冷不熱於無風密室浴之

勿令久浴訖以粉摩之或以光粉蚌粉撲身辟邪

吉紀用經浴法寅卯酉日吉壬午丁未癸巳凶不

能上三日勿犯下三日三日五日浴小兒洗浴不可

先斷臍帶候洗了方斷不致水濕傷臍可免臍風臍

瘡等證用清油調髮灰傅臍洗兒不可用水打濕臍

帶 **斷臍法** 千金云臍不得以刀割隔單衣咬斷以煖氣

呵七遍卽纏結所留帶致兒足跌上斷訖連臍帶中

多有蟲急剔撥去不爾入臍成疾臍當長六寸長則

傷肌短則傷臟不以時斷及接汁不盡煖氣漸微卽

生寒令兒臍風 **寶鑑論** 斷臍若用剪刀先於懷中

令煖又水入臍多天鈞痛苦啼叫面青黑臍傷動令

久不乾傷外風卽口噤不可救 **灸臍法** 聖惠云兒生一宿抱近明無風處看臍上有

赤脉直上者卽於脉盡頭灸三壯赤散無患矣

初生

卷一

三五

裹臍法千金論治白練令柔軟方四寸新綿厚半寸與帛等合之裹臍調其緩急急則吐哕二十日乃解若十許日怒啼必衣中有刺或臍燥刺腹當更裹臍冬時須閉戶下帳然火令溫暖換衣亦然仍以溫粉粉之

服藥下胎毒法

心鑑曰古方書言兒始生落草服汞粉朱砂白蜜黃連欲下胎毒今人率承用之不知今人稟受攝養與古人不同其藥乃傷脾胃敗陽之藥若與兒服後必生異證只宜用淡豆豉煎汁與三五口其毒自下又能助養脾胃氣消化乳食然古人之法終不可湮沒今人用之而効者多或不至如心鑑所云者今次第列於左方

張渙云嬰兒初生第一日纔斷臍襌袍訖看兒形色若面紅潤色赤啼聲響快者宜用汞粉法良久有臍糞便下爲佳次用甘草法次用朱蜜法臨時更看形色若面色多青白啼聲不響卽不須服次用牛黃法古方又有黃連法韭汁法豬乳法等在人看兒寒熱怯壯擇所宜而用之爾

甘草法用好原州甘草中指一節許拍碎以水二蜺殼煎一蜺殼以綿纏蘸令兒吮之若吐出惡汗爲佳

初生下胎毒法
三六

若服一蜆殼不吐即不須更服不問嬰兒虛實寒熱

皆須服之時後方吐後更與兩薛氏預以甘草細

切少許臨產時以綿裹沸湯盞內覆溫收生之際以

軟綿裹指蘸甘草汁拭其口次用黃連法朱蜜法

黃連法集驗方初生兒惡汁留胸膈壅塞易生蘊熱

驚癇瘡癤用好肥黃連數塊槌碎綿裹如妳頭狀湯

內浸成黃汁拈擦一二點兒口中惡汁自下乳食便

美未盡用空綿別浸黃連後以朱蜜間與之海藏

方淨黃連壹錢水壹盞預先煎下待兒生未出聲時

使用灌下以去腹中惡物躋采兼解胎中蘊積熱毒

終身不生瘡又去臍風等病

韭汁法本草云兒初生與韭根汁灌之即吐出惡水

聖惠方甘草後煖水浸韭子汁塗兒唇上乾又塗

數次止不令入口

朱蜜法好朱砂一大豆許細研末飛煉赤蜜一蜆殼

看稀稠和成膏每用一豆大乳汁化下時時滴口中

三日內止三粒臨時更看形色若面色多青白啼聲

不響即不須服

牛黃法千金方朱蜜竟與牛黃不獨益肝膽除熱定

精神止驚辟惡氣又除百病張渙法真牛黃一塊

初三下胎毒法

初斗一

三六

好蜜煉熟和成膏每服一豆大乳汁化時時滴口中
形色不實者不宜多服若嬰兒胎熱或身體黃色宜

多服之

○張漢方兒紅潤色赤啼聲響快者用黍粉半

錢旋旋令兒吮之良久有臍糞便下為佳 寶鑑銀

粉抹口舌上下左右兩頰然後飼米蜜

○豬乳法嬰兒初生至滿月內常時時旋取豬乳滴口

中佳 豬兒飲母次便提後脚離乳急捋之即得

○臍帶法用本兒落下臍帶瓦上焙燥為末入辰砂黃

連日草各末五分和勻蜜拌做三五次塗乳母乳上

俟兒吞之必使一日夜吞盡次日惡毒皆從大便而

出日後不但痘疹稀疏竟有不出痘者俟臍帶落下

即便製服在六七日之間為妙其辰砂必須研極細

末以甘草湯飛過任服無害此方一以解毒一以補

養益臍帶乃有生初之河車也繫於母之命門兩腎

之所主乃以腎補腎腎既充足即不受邪故無他日

變黑歸腎之證亦無頤門不合之疾生一兒即得一

兒真保生第一良法

○藏衣法崔氏云兒衣清水洗勿令沙土草污又

清酒洗之仍內錢一文在衣中盛新瓶內青綿裏瓶

下胎毒法

初生

三十八

口密蓋置便宜處三日後依月吉地向陽高燥處入地三尺埋之瓶上土厚一尺七寸須牢築令兒長壽智慧若不謹為豬狗食令顛狂蟲蟻食令病惡瘡犬鳥食令兵死近社廟令見鬼近深水汗池令溺死近故竈令驚惕近井傍令聾盲棄道路街巷令絕嗣當門戶令聲不出耳聾著水流下令青盲棄火裏令生爛瘡著林木頭令自絞死此忌須慎每於天德月空處理之正月天德在丁月空在丙壬餘詳官本曆日若遇反支宜挂宅外福德上向陽高燥處待過月然後依法埋藏吉甲乙日生丙丁日藏丙丁日生戊巳日藏戊巳日生

庚辛日藏庚辛日生壬癸日藏吉

剃頭法集驗方云小兒初剃頭俱不擇日皆於滿月日剃之蓋風俗所尚前產婦未得出房於滿月即與兒俱出謂胎髮穢惡有觸神竈令小兒不安故於此日必剃頭而出凡剃頭就溫暖避風處仍剃後須以杏仁參枚去皮尖研碎入薄荷參葉再同研却入生麻油參肆滴膩粉拌和頭上擦以避風邪免生瘡疥熱毒其後小兒亦宜此法

附方

海百壽散小兒初生未滿月已裹用之者老無瘡疥

初生

黃連 壹兩

硃砂 壹錢

右水煎令老母拭去口涎淨灌下餘藥傾盆中浴兒遍身搽妙

顧頤兒初生日與平和飲子

指迷兒生三日後與母服

人參

茯苓

甘草

升麻 各貳錢五分

水一盞煎一合半時時與之乳母忌油膩滿月及百晷加時冷加白朮熱加硝各半錢

庚辛日癸辛日壬日癸日吉

生下胎疾

月內不測諸病

總論千金論曰芽兒出腹骨肉未斂肌肉未成猶尚是血血凝則堅而成肌肉也又云如水上之泡草頭之露夫初生一臘之內天地八風之邪豈能速害良由在胎之時母失愛護或勞動氣血相干或坐卧饑飽相役飲酒食肉冷熱相制恐怖驚撲血脉相亂蘊毒於內損傷胎氣故降生之後有胎熱胎寒胎肥胎怯胎驚胎黃諸證生焉外因浴洗拭口斷臍灸頤之不得法或縳絕驚恐乳哺寒溫之乖其宜致令噤口

台疾不能啼

刀針

四

臍風鎖肚不乳等證病患致此亦難救療坐視其斃良可哀憫故黃帝云吾不能察其幼小謂別是一家調理耳用藥者必明消息形候審定生死察病患之淺深知藥性之寒溫而後度乎少失也

初生 千金兒初生輒死視兒口中懸瘡前上齶有胞者紅胞以指甲摘取頭決令潰去血勿令血入咽入咽殺兒慎之

三因 云小兒初生氣絕不能啼者必是難產或胃寒所致急以綿絮包裹抱懷中未可斷臍帶且將胞衣置爐炭中燒之仍燃六紙條蘸油點火於臍

帶下薰之蓋臍帶連兒火薰時有火氣由臍入腹更

以熱醋湯盪洗臍帶須臾氣回啼哭如常方可洗浴了卽斷臍帶。嬰兒哭遲者以葱白細鞭背上卽啼

。水鑑方云胎風生下不能啼須使園中小葉葵搗取汁調熊膽末纔交入口免傾危。看舌下法見前

。兒生下地卽不啼哭不能吞乳奄奄如死者急看喉間懸瘡前腭上有一泡用指摘破以帛拭去惡血

勿令嚥下卽能通聲吞乳

眼不開 兒生眼閉口開常呻吟因受胎熱用涼五藏藥天竹黃散方見後及與母喫復以竹筒煎湯洗眼

眼不開
方見後
百三

胎疾
小兒初生眼閉者由產母食熱物毒物致成斯疾治法當以熊膽少許蒸水洗眼上一日七次如三日不開用生地黄湯服仍須乳母服山茵陳湯凡初生小兒須洗令淨若洗不淨則穢汁浸漬於眼皆中使眼赤爛至長不瘥

生地黄湯 治初生小兒眼不開

乾地黄

赤芍藥

川芎

當歸去蘆

瓜蒌根

甘草

右為細末少許用燈心煎湯調抹入口中速服

四聖散 治嬰孩胎受熱毒生下兩目不開

燈心

黃連

秦皮

木賊

棗子各半兩

右咬咀每服一錢水一盞煎七分澄清去查無時

頻洗兩目自開

洗眼方

黃連

秦皮

燈心

大棗各等分

右用竹筒煎湯

不乳謂初出胞胎而不吮乳也嬰兒初出胎時其聲未發急以手拭其口令惡血淨盡不得下咽即無他

胎疾
病若拭口不全惡穢入腹則令腹滿氣短不能吮乳
或產母取冷過度胎中受寒致令兒腹痛也宜用
茯苓及木香檳榔散治之

茯苓丸

赤茯苓

川黃連

去鬚

枳殼

炒

右等分爲末煉蜜丸桐子大每服一丸乳汁調下
治穢惡入腹令兒嘔吐不乳方

木香

乾薑

茯苓

甘草

酸木瓜

丁香

各等分

右爲麤末一捻水煎綿蘸滴與之

外臺方

乳兩合葱白一寸煎一兩沸去葱喫卽乳

聖惠人參丸

人參

龍膽

黃連

馬牙硝

甘草

炙微赤

枳實

麩炒微黃各貳兩

右擣羅爲細末煉蜜丸如桐子乳汁研二丸灌口

中日四五服差

朱砂丸 治三歲以下胃口閉不喫乳

朱砂

牛黃

麝香

丁香

甘草

炙微赤

人參

各壹分

犀角

黃耆

石膏

細研水飛

五靈脂 各半兩

右搗羅研勻蜜丸如菉豆熟水下三九日四五服

灸法兒生二七日內不吮妳多啼者客風中臍循流

心脾灸承漿在下唇稜下宛宛中次灸頰車在耳下

頰骨後炷如雀屎各七壯此非灸不療。兒喉中鳴

咽乳不利灸旋璣三壯在天突下一寸陷者中

吐不止 錢初生下吐因穢惡下咽故也用水瓜丸主

之凡初生急須拭淨口中否則啼聲一發穢物薰下

致生諸病 田月裏生嘔先用米砂丸下之如利後

用朱沉煎墜其邪氣使穢物自下而不嘔也

錢木瓜丸

木瓜

麝香

膩粉

木香

檳榔 各等分

右同研細末麪糊丸如小黃米大每服一二九甘

草水下無時

薛芽兒初生之患多因乳母不慎七情不節厚味

傳兒為病當審其因以調治其母前所用之藥恐

臟腑脆嫩不能勝受用者審之

聖惠藿香散

治兒生至半月嘔逆不止

合疾 不小便

初生

四五

藿香

紫苑

洗去苗土各壹分

甘草

炙赤半兩

麥門冬

叁分去心焙

桂心

半分

右為散每服一錢水一盞煎五分去滓溫綿點滴口中

不小便小兒初生不尿者多因在胎時母恣食噉熱毒之氣流入胎中兒飲其血是以生而臍腹腫脹如覺臍四旁有青黑氣色及口撮即不可救也如未有青黑色不飲乳者宜服葱乳湯

葱乳湯
葱白三四寸四破之以乳汁半盞煎灌一方葱生用搗爛入乳拌入兒口內再與乳吮嚙下即通

豆豉膏

黑豆

壹勺

田螺

拾枚

葱

壹大把

右搗爛芭蕉汁調貼臍下

按觀丹溪治鄭廉使之子患淋病乃因父服下部熱藥遺毒在胎留於子之命門而然以紫雪和黃檗末為丸投之下如黍如粟者枕許而安則初生不尿症其當審因而處治不言可知也

不大便俗名鎖肚由胎中受熱熱毒壅盛結於肛門閉而不通無復滋潤所以如此至若第三日不通急

合天不大便

初生

四六

令婦人以溫水漱口。吸啞兒前後心并臍下手足心共七處。凡四五次。仍以輕粉半錢。蜜少許。溫水化開。時時將少許服之。以通爲度。如更不通。卽是肛門內合當以物透而通之。金簪爲上。玉簪次之。須刺入二寸許。以蘇合香丸納入孔中。糞出爲快。若肚腹膨脹不能乳食。作呻吟聲。至於一七難可望其生也。田氏治法。先用硬葱鍼肛門。如大便不下。後用牛黃散。方見送朱砂丸。一時自見。

大小便不通 小兒初生。腹脹欲絕。大小便不通。亦如前法。吸啞兒前背心手足心臍下七處。以紅赤色爲

度。須臾自通。

千金云。小兒出腹六七日後。其血氣收斂成肉。則口舌喉頰裏清淨也。若喉裏舌上有物如蘆籜盛水狀者。若懸癰。有脹起者。可以綿纏長鍼。留刃處。如粟米許大。以刺決之。令氣泄去。青黃赤血汁也。一刺之。止消息。一日未消者。來日又刺之。不過三刺。自消。蓋餘小小未消。三刺亦止。自然得消也。有著舌下如此者。名重舌。有著頰裏及上腭如此者。名重腭。有著齒斷上者。名重斷。皆刺去血汁也。刺後用鹽湯洗拭。急用如聖散。或壹字散。搽刷。

如聖散

鉛霜

真牛黃

太陰玄精石

朱砂

水飛 曝乾

右四味各研極細秤准各二錢五分拌勻入白龍腦五分再研勻每用藥抄壹字至半錢止搽兒口中時時用

壹字散

壹字散

朱砂

鵬砂 各半

龍腦

朴硝 各壹字

右為極細末用蜜調少許鵝翎蘸刷口內嚥下無妨

妨

重舌

巢氏云心候於舌而主血脾絡脉又出舌下

火脾土二藏子母也有熱即血氣俱盛其狀附舌下

近舌根形如舌而短名重舌 指爪摘斷及葦刀子

割法見前拭口法條 患眼鵝口重舌重齶口瘡皆

上焦熱因受胎時大受極熱急以雞內金為末乾摻

口內及朱砂膏地黃膏輪流摻之仍服天竺黃散

地黃膏

鬱金

皂莢水煮 乾切焙

豆粉

各半

甘草

壹分

馬牙硝

研壹錢

治天重舌

切

天

生地黄汁蜂蜜對合熬成膏和藥每服兩皂子大香熟水含化或鵝翎掃口內

金朱飲 治驚壯熱傷寒伏熱上焦虛熱重舌口鼻

生瘡致赤眼方本名天

川鬱金制皂莢水煮乾

甘草炙

馬牙硝各半

朱砂壹分

蟬殼拾肆箇水

麝香少許

右為末每服半錢至一錢蜜湯調下

重慶重膠千金治法總前垂癰門刺去血汁後鹽

湯洗拭壹字散塗刷法同前條茅先生云心熱壅

滯先用朱砂膏見驚積門塗舌上後用牛黃膏見臍熱門

聖惠牛黃散一方無前三味有玄明粉

牛黃

白龍腦

朱砂各壹分

鉛霜半兩

太陰玄精石壹兩

右細研為散先於腫處以鍼鉸破出血鹽湯洗拭

口後搽藥神效

外臺療兒喫妳不穩七日以來壯熱顏色

赤鼻孔黃恐作撮口及牙關蟲似蝸牛亦似黃頭白

蚌螺用竹瀝半合和少許牛黃服差又豬肉拭口

即蟲出

禁風巢氏云兒口內忽結聚生舌上如黍不能取乳名噤由在胎熱入藏心偏受熱聖惠初生兒須防

三病一撮口二著噤三臍風皆急病著噤尤甚過一

臘方免牙關緊急喫乳不穩啼聲漸小口吐涎沫有

眼人見大小便通以為冷熱所得不知病在喉舌狀

亦極重善救療者十不得三四依將護法防於事先

必無此患。但有此證急看兒上腭有點子先以指

甲輕輕刮破次服定命散辰砂全蝎散之類如口噤

不開服諸藥不效者生南星去皮臍研為極細末龍

腦少許合和用指蘸生薑汁於大牙根上擦之立開

凡臍風撮口噤風三者雖異其受病之源則一也大

抵裏氣鬱結壅閉不通宜服煎豆豉汁與喫取下

胎毒千金云小兒初生其氣高盛若有微患即須下

之若不時下則成大疾難為療矣紫霜丸量而與之

定命散 治初生兒口噤不乳

蟬蛻貳朱枚
去嘴脚 全蝎貳朱箇
去毒

右為極細末入輕粉少許和研用乳汁乳遠調化

服

辰砂全蝎散 治初生兒口噤

辰砂水飛
半錢

全蝎頭尾全去毒
貳拾枚炙

鵬砂

龍腦

麝香

各壹字

右為極細末用乳母唾調塗口唇裏及牙齒上或用豬乳少許調入口內

紫霜丸

方見八百八變蒸積

張洵立聖散

治妊娠之時母服熱藥過多或食炙

燂熱物等致令嬰兒初生下口噤不乳口舌上瘡如黍粟大喉啞多啼名曰口噤

乾蜘蛛

壹箇去口足以新竹火上炙取油

乾蝎梢

柴箇為末臙粉

右件並同研極細每服壹字乳汁調時時滴口中

千金治口噤赤者心噤白者肺噤

雞糞白棗大綿裹水一合煮二沸分再服

聖惠用豆大叁枚水

又雀糞四枚末之著乳頭飲兒大十枚

外臺著噤病在咽如麻豆許令兒吐沫不乳

水銀如黍與服下咽便愈以意量之不過小麻子

許事急

食療茶茹研汁灌口中死亦生

生下濕莖端二三葉花黃子赤似覆盆子

聖惠川椒一兩搜麩裏三角肉樣燒黃熟以綿蓋兒口指去尖如筋頭使椒氣入口効未覺再作

胎疾
蜈蚣方 治小兒口噤不開不能吮乳

赤脚蜈蚣 半條去足炙

麝香 少許

右以豬乳和之蓋豬乳能獨主小兒口噤不開

蜘蛛方 治小兒口噤不開不能吮乳

蜘蛛 壹枚去足及口

用豬乳一合和為三服徐徐灌之神妙入麝香治

牙疳極好

牛涎方

取東行牛口沫塗小兒口及額上即效

治噤搐鼻法用鬱金藜蘆瓜蒂為末水調搐之

茅先生云兒生一百廿日內犯風噤病同因母受胎

有疾故受毒氣生來血氣未調又被風邪所擊致之

治法先與奪命散吐風涎見急慢後下醒脾散一見

不和門見夾勻氣散與服見胃氣又下雄朱散見

白夾朱砂膏見急常服即愈如手捉拳噤口不開死

名由在胎受穀氣盛心脾熱氣薰發於口如鵝之口故

纏指頭蘸井花水搽拭之睡時黃丹煨出火氣摻於

舌上如用前法其舌上白屑不脫可煮栗荻汁令

濃以綿纏指頭拭之若春夏無栗荻可煮栗木皮如

用并花水法 簡要用牙硝細研於舌上搽之曰三五度 祕錄用桑白皮汁和胡粉傅之 雞腥脰黃皮燒末水和服

張漢保命散 治嬰兒初生七日內胎毒者其舌上有白屑如米連舌下有膜如石榴子大令兒語不發名曰鵝口病

白礬燒灰 朱砂水飛各 馬牙硝半兩

右各研極細再同研每服壹字取白鵝糞以水攪取汁調塗舌上頰內未用藥時先以手指纏亂髮指拭舌上垢然後使藥傅之

茅先生論兒喉中壅一塊肉瘤閉却為喉痺身大熱舌硬不轉為木舌口開滿口黃如膏名鵝口三候皆熱甚生風風壅熱毒至此為實熱先用三解牛黃散見實熱門微與通吐惡涎後用白氣散見胃氣不和門及用天竺黃散見重舌門夾牛黃膏見發熱門與服愈如喉響似鋸及眼視向青黑不飲食死候

撮口 外證舌強唇青聚口撮口撮口目黃赤氣息喘急啼聲不出飲乳有妨若口出白沫而四肢冷者不可救療其或肚脹青筋吊腸卵疝內氣引痛皆腸胃鬱結不通致之治法貴乎疎利辰砂膏是也 初生一臘

治疾撮口

刀斗一

五三

用藥
免也

千金云小兒初出腹骨肉未斂肌肉猶是血也血凝乃堅成肌肉耳其血沮敗不成肌肉則使面目繞鼻口左右悉黃而啼閉目聚口撮面口中乾燥四肢不能伸縮者皆是血脉不斂也多不育若有如此者皆宜與龍膽湯也

龍膽湯方 治嬰孩小兒胎驚月內氣盛發熱臍風

撮口壯熱

龍膽草

黃芩炒

釣藤

桔梗去蘆炒

柴胡去蘆

赤芍藥炒

茯苓去皮

甘草炙各五錢

蟻娘貳枚土炙

大黃壹分紙裏煨

右合研為極細末用棗去核煎或加防風去蘆麥門冬去心以導心熱食前調服

張渙云嬰兒胎氣挾熱亦因母有邪熱傳染或生下洗浴當風襁褓失度致令嬰兒啼聲不出乳哺艱難名曰撮口不開病七日之內尤甚急風散主之急風散方

蛇蛻皮微炒

釣藤

乾蝎稍各壹分搗羅為細末

朱砂壹分細研水飛

好麝香

真牛黃各半錢並研極細

疔疾

外科

五十四

右件都拌勻再研為細末每服壹字取竹瀝一兩點同乳汁調下

辰砂殭蠶散 治初生撮口

辰砂 水飛半錢

殭蠶 真的去絲炒壹錢 蛇蛻皮 炒壹錢

麝香 研半錢

右為極細末少許用蜜調傅唇口

撮風散 治小兒撮口

赤脚蜈蚣 半條炙

釣藤 貳錢

朱砂

直殭蠶 焙

全蝎 各壹錢

麝香 壹字

右為末每服一字取竹瀝調下竹瀝解熱極好

辰砂膏

辰砂 叁錢

鵬砂

馬牙硝 各壹錢

玄明粉 貳錢

全蝎

真珠末 各壹錢

麝香 壹字

右為末和棗同好單包起自然成膏每服一字或一豆許治諸驚用金銀薄荷湯下潮熱甘草湯下月內嬰兒用乳汁調傅妳上令吮下

疔風鎖口方

金頭蜈蚣 壹箇

蝎梢 伍箇

直殭蠶 米箇

瞿麥 半錢

合天撮口

刀斗

五十五

右為末每一字吹入鼻中啼則可用薄荷湯調下一字然後服千金龍膽湯朱銀丸

疔毒方

直疔蠶貳枚去嘴略炒為末調傅唇口中

甘草方 治小兒撮口取吐

甘草 壹錢

右煎服令吐出痰涎即以此乳點入口中即差

風 千金有疔風疔濕疔瘡三者皆因斷疔後為風

濕傷而成夫風入疔疔腫腹脹四肢不利多啼不能乳甚者發搐為疔風腫濕經久不乾為疔濕風濕相

搏令疔生瘡久不差為疔瘡有一不已入於經脉多

變為癩癩成作疔治。疔風者謂斷疔之後被水濕

風冷所乘風濕之氣入於疔而流入心脾遂令肚腹

脹滿疔腫身體重著四肢柔直日夜多啼不能吮乳

甚則發為風搐若疔邊青黑撮口不開是為內搐不

治爪甲黑者即死其或熱在胸堂伸縮努氣亦令疔

腫宜千金龍膽湯主之方見前條錢氏云小兒洗浴拭

疔不乾風入作瘡令兒撮口甚者是脾虛胃氣不和

宜調氣益黃散主之方見脾部類萃云宜先用控痰飲

吐風痰次用益脾散和脾又用辰砂膏利驚即愈或

手足攣拳禁口不開者不治。曾氏法先投劫風膏。次以五苓散加寬氣飲入薑汁葱白燈心煎湯調服。與解風痰及用一字金煎荊芥湯或薄荷湯調抹口內證輕即快。如稟賦充實發熱有痰驚搐投黑白飲溫蜜湯空心調下微泄似茶褐色二三行進白芍藥湯水薑棗煎服常用此法亦妙。若臍凸音迭肚緊微有青色口撮不開肝風盛而脾土受制不可施治。凡有此候百無一治縱使得安亦非長壽。

控痰散

蝎尾

銅青各半錢

朱砂壹錢

膩粉壹字

麝香少許

右為末每服一字臘茶清調下先吐風痰然後和胃或有段甘草方吐痰隨輕重用。

益脾散

白茯苓

人參

草菓煨

木香濕紙裹煨

甘草

陳皮

厚朴薑製

紫蘇子炒各等分

右為末每服一錢薑棗水煎。

辰砂膏方見前

宣風散 治初生兒因斷臍後外傷風濕唇青口撮

多啼不乳口出白沫

全蝎或拾壹箇頭尾全去毒用麝香壹小字

右研為極細末用半字金銀煎湯或麥門冬去心

煎湯調化食遠服

防風散 治初生兒臍風

防風去蘆 羌活 黃耆

當歸 川白芷 甘草各半

右為極細末少許用燈心麥門冬去心煎湯調化不拘時候服

劫風膏 治急慢驚搐臍風撮口牙關緊閉痰涎壅

盛咽喉腫痛

葳靈仙去蘆壹兩半細剉焙研為末

右用皂莢叁兩去皮弦槌揅擲溫水一盃絹濾過

慢火熬若稀糊入醇醋半兩再熬三五沸去火候

冷用前藥末亭分乳鉢內杵勻丸芡實大先用鹽

梅肉擦牙根次以此膏一丸或二丸溫白湯濃調

抹入左右牙關內即開續進別藥熬時得瓦器為

上銀器尤佳及解風痰壅盛淡薑湯調化無時少

與含嚙咽喉腫痛溫茶清調下或薄荷湯

五苓散 二二六

寬氣飲俱

一字金 治初生嬰孩一七之外欲成臍風撮口及

卒中急慢驚風牙關緊閉壅上痰涎

殭蠶炒去絲

葳靈仙去蘆各肆錢

明白礬生用貳錢

細辛去葉壹錢

甘草生用貳錢半

右剉焙為末每服壹字至半錢薑汁沸湯調勻以

指抹入牙關內治卒中急慢驚證口禁不開用鹽

梅湯調擦上下牙根二處

黑白飲 治臍風氣實者及急驚壯熱發搐

黑牽牛半生半炒

白牽牛半生半炒

大黃生用

陳皮去白

檳榔各半兩

甘草炙叁錢

玄明粉貳錢

右除檳榔不過火餘五味或曬或焙仍合檳榔為

末同玄明粉入乳鉢內再杵勻每服半錢至一錢

溫蜜湯調化空心投服或無時此藥新合最妙久

則効遲

白芍藥湯方見疝二百九十五

張漢封臍散

治嬰兒初生因乳母不謹洗浴水入

臍中或兒尿在襁袍之內濕氣傷於臍中或解脫

風冷邪氣所乘令兒臍腫多啼不能乳哺名臍風

病宜急用此

好川當歸

半兩洗焙乾

天漿子

參箇微妙

亂髮

壹錢燒灰存性

右件同搗羅為細末入麝香壹字拌勻用藥壹字至半錢傳臍中時時用

因小兒初生一七日內忽患臍風撮口百無一效坐視其死良可憫也有一法世罕知者凡患此證看兒齒齦上有小泡子如粟米狀以溫水蘸熟帛裹指輕輕擦破即開口便安不藥神效

小兒初生臍風撮口諸藥不效者灸然谷穴在內踝前起大骨下陷中可灸三壯鍼入三分不宜見血立效臍風目上插刺絲竹空臍腫灸腰對臍骨節間三壯炷如麥

臍風撮口在百日內多不治

臍濕嬰兒臍中腫濕經久不差若至百日即危急宜速療之

顛頤經治臍濕方枯鱗龍骨為末入麝少

許拭臍乾用避風絳帛灰傳臍中乾蝦蟆牡蠣

各壹枚燒灰細研少許傳臍中日三兩上差

封臍散

饒帶灰

亂髮灰

白薑灰

紅帛灰 四灰不得夾別灰

南星

白歛

當歸頭

赤小豆

五倍子

血竭

龍骨

赤石脂 煨

海螵蛸

百草霜

臙脂 各半錢

右合研為極細末濕乾傅乾則清油塗忌生水浴

臙

又方

紅綿灰

黃牛糞灰

龍骨

髮灰

乾臙脂 各半錢

右為極細末濕乾摻乾清油塗臙

又方 治臙肉出水汗不乾

當歸頭 去蘆壹錢

綿 縛臙帶燒灰壹錢或舊錦

右為極細末入麝香一小字同研少許乾摻臙

錢乙 磔墨散

黃檗

釜下墨

亂髮灰 各等分

右為細末每用少許傅之

張漢 胡粉散

胡粉

乾薑 燒灰

白石脂 燒存性

右各等分研極細再同研勻用藥一字至半錢傅

疔中時時用
么禾

疔氣腫大如栗虛腫而軟疼用竹瀝塗日數上消

兒疔濕淹破屋爛草為末頻搽効

疔滄巢氏曰因浴兒水入疔中或尿濕襁袍致疔中

受濕腫爛成瘡或解脫為風邪所襲入於經絡則成

風癩若疔腫不乾久則發搖 肘後乾蝦蟆燒灰傅

日三四佳 聖惠有枯礬

異功散 治疔中瘡

龍骨 煨 半錢

薄荷葉

蛇床子 各貳錢

右為極細末少許乾搽疔

龍骨散 治疔中瘡

龍骨 煨

輕粉 各半錢

黃連 去鬚壹錢半

右為極細末少許乾搽疔

治兒滿月啼叫疔中出血用白石脂炒研極細末乾

搽

治兒因剪疔傷於外風致疔瘡不乾方

白明礬 煨

龍骨 煨各半錢

右研為極細末乾搽

張漢金黃散 治疔瘡久不差風氣傳於經絡變為

疳疾

川黃連貳錢

胡粉

龍骨燒灰各壹錢

右各另研復合研為細末每用少許傅臍中時時

用

預初生兒臍風着噤撮口最為急證十難救一預

治之法宜時用軟帛包指拭口中牙齦上有筋兩條
使用華刀輕輕割斷以豬乳點

黃連去鬚半錢

豆豉貳拾粒

甘草壹寸

葱白貳寸

用童子小便煎綿蘸拭口中

抱兒向明看臍上有赤脉直上便赤脉頭上灸三壯者生

臍突初生之兒有熱在胸堂則頻頻伸引呃呃作聲

努脹其氣抑入根本之中所以臍突腫赤虛大可畏

無識之夫將謂斷臍不利而使之然者非也此由胎

中母多驚悸或恣食熱毒之物所致宜對症與藥其

熱自散其臍歸本不必以藥傅之恐反為害 曾氏

曰臍突一證又非臍風此亦因初生洗浴繫臍不緊

穢水侵入於內產後旬日外臍忽光浮如吹捻動微

響間或驚悸作啼治用白芍藥湯加薏苡仁水煎空

胎疾 胎毒
心温服次以外消散塗貼自然平復

白芍藥湯 見痲
二百九十五

外消散 治嬰孩初生旬日外臍突或痛或不痛痛則啼聲不已及療小兒因感濕熱搏致陰器膚囊

浮腫

大黃

牡蠣 各半兩

朴硝 貳錢

右前二味剉焙為末仍入朴硝乳鉢內同杵勻抄一錢或二錢取田螺淨洗再以水半盞活過一宿去螺用水調塗腫處即消其螺仍放水中勿害之背賢有曰殺生救生去生遠矣物命雖微亦可戒

也治陰器膚囊腫車前子煎湯候冷調傅

二豆散 治嬰孩小兒臍突腫

赤小豆 不去皮

豆豉

天南星 去皮

白欬 各壹錢

右為極細末半錢用芭蕉自然汁調傅臍四傍一日一次二日二次若得小臍下白即安

胎驚 小兒壯熱吐哕心神不寧手足抽掣身體強直

眼目反張是胎驚風證。胎驚者以妊婦調攝乖常飲酒嗜慾忿怒驚撲母有所觸胎必感之或外挾風邪有傷於胎故子乘母氣生下即病也其候月內壯

熱翻眼握拳噤口咬牙身腰強直涎潮嘔吐搐掣驚
 啼腮縮頰開或頰赤或面青眼合凡胎風眼合不可
 藥其有搭眼噤口之類亦此一種之所發也視其眉
 間氣色赤而鮮碧者可治若黯青黑者不治虎口指
 紋曲入裏者可治反出外者不治先宜解散風邪利
 驚化痰調氣及貼頰法甚則以朱銀丸利之若面青
 拳搐用保命丹通治急慢驚釣藤散方見慢驚全蝎散方見偏之
 類人抵小兒臟腑脆弱不可輒用銀粉鎮墜之劑如
 遇此候急取豬乳細研生黃麝香各少許調抹入口
 中仍服導赤散以瀉肝之干即愈矣。石壁經歌未

出胎中一月來母驚成患子臨胎腰直哭時先口撮
 面青拳搐縮雙腮眼閉咬牙筋脉急受氣時若陰氣
 消甚陽氣弱胎難驚落手足細肌肉瘦皆不盡天年
 若日月滿因驚落口撮腮臉起鼻塞口噤勿作驚治
 微汗欠治驚調氣乳母服調氣藥兒貼頰任喚千聲眼不開退却風涎為
 治療涎去驚邪自不回失治則目膜先治驚則吐瀉
 治恐汗不出生別候鳳髓烏犀丸次生銀丸並急慢驚門錢百日内發搐真者
 不過三兩次必死假者頻發不為重真者内生驚癩
 假者外傷風冷蓋血氣未實不能勝任乃發搐也欲
 知假者口中氣出熱治之可發散大青膏主之可用
 塗頰法 田月裏生驚急取豬乳細研辰砂牛黃各

少許調抹口中神效乳母服防風通聖散三劑其驚
 自消。[手]小兒未滿月驚搐似中風欲死者用辰砂
 以新汲水濃磨汁塗五心上最效。[湯]治胎癇驚風
 皆可服全蝎頭尾全者用生薄荷葉包外以麻線纏
 火上炙燥為末別研生硃麝香各少許煎麥門冬湯
 調下。[薛]一小兒患胎驚諸藥不應用紫河車研爛
 如泥每用錢許乳化服之更以十全大補湯加釣藤
 鈎漏蘆與母服兩月餘舉發漸輕服年餘舉發漸稀
 服年餘不再發至出痘後復發取紫河車研爛入糯
 米粉丸小豆大每服百丸以乳送下服二具全瘥畢

姻又發仍用前丸及十全大補湯六味丸加當歸黃
 耆肉桂五味子年餘喜其能遠帷幕得痊後因勞役
 更作又用前丸及十全大補等藥不應用大劑獨參
 湯服數斤然後舉發稍緩乃用人參貳兩附子壹錢
 數服頓止仍用前藥間用獨參湯而痊。一小兒患
 胎驚用紫河車丸及十全大補湯及釣藤膏而愈畢
 姻後復發用大劑獨參湯六味丸加五味子黃耆當
 歸煎服半載舉發稍輕年餘不再發後每勞役怒氣
 仍發即用前藥隨愈又傷寒愈後復作虛症悉具莫
 能名狀用紫河車二具獨參煎湯十餘斤而痊後患

傷風咳嗽咽乾內熱用六味地黃丸料加五味子煎服及十全大補湯而痊

獨活湯 治胎驚發散風邪

獨活

羌活各壹分

檳榔

天麻

麻黃去節

甘草各半

右劉散每服半錢煎服於內加南星末蜜調下可

貼額用

驅風散

胡黃連貳錢半

全蝎去毒

犀角

天竺黃

麻黃去節各半錢

麝香壹字

右為細末用乳汁調化食遠服

右二方發散之劑實有表證方可用之

青金丸 治嬰孩小兒解散胎熱化痰涎鎮驚邪

人參去蘆

天麻煨

茯神去皮

白附子炮

牛膽南星炒各貳錢

甘草炙壹錢半

青黛壹錢

朱砂水飛半錢

麝香壹字

右為極細末煉白蜜圓如梧桐子大用釣藤皂莢

子煎湯研化不拘時候服

太乙散 治芽兒胎驚病瘥亦宜常服

天漿子去殼微炒

南星

白附子各微炮

天麻

防風

茯苓各貳錢

全蝎

朱砂各壹錢

麝香少許

右為末每服半錢乳汁化下張漢方天漿蝎梢各貳拾壹箇防風天麻朱砂各半兩麝香壹錢無茯

苓白木

參蝎散

治小兒胎驚定心神

天漿子

天竺黃

人參

朱砂

全蝎

天麻

蟬蛻各等分

麝香少許

右為末煉蜜丸桐子大每服一九金銀湯下

豬乳膏

治小兒諸毒馬胎癩

金蝎壹箇焙

琥珀

朱砂少許

右為末每服一字麥門冬煎湯調下

朱銀丸

治小兒胎風壯熱痰盛翻眼口禁取下胎

中蘊受之毒亦治驚積但量與之

水銀壹錢蒸棗研如泥

白附子壹錢半

全蝎

南星

朱砂各壹錢

天漿子

蘆薈

牛黃各半兩

鉛霜半錢和水銀煨研

腦壹字

麝香少許

直殭蠶炒朱

右為末煉蜜丸桐子大薄荷湯化下

張漢聖星丹

諸癩皆宜服之曾經大効

天南星一般大者四十九箇端午取活蝎四十

九箇瓦器盛鹽泥固濟弔靜室中臘日取出揀

南星蝎蜇着處有小竅子者其餘不用只將蝎

蜇南星以酒浸一宿焙研細末次用

牛黃

麝香

龍腦各壹錢研細

辰砂細研水飛

右件再一處研勻薑汁和桐子大服一粒至二粒

人參薄荷湯化下

白金散

治諸癩潮發不省者

白殭蠶牛五兩湯洗炒微黃搗細末次用

天竺黃貳錢伍分

牛黃壹錢

麝香

龍腦各半錢

細研拌勻每服半錢薑汁調放温灌之

烏金膏 治胎癩潮發頻併

烏梢蛇壹條取淨肉酒浸一宿焙

蠶紙壹張燒灰

蟬殼

全蝎

朱砂飛各半兩

金箔貳拾片

龍腦

麝香各半錢

右各取細末研勻蜜和如皂子每服壹粒人參薄

荷湯化下

天南星煎

治胎癩潮發遲省

胎疾 卷一

天南星微炮

白附子

白花蛇酒浸去皮骨炙

黃各壹兩

乾蝎炒

天麻各半兩

已上搗羅為細末用好酒兩大盞慢火熬不住

手攪以酒盡為度次用

朱砂細研水飛半兩

膩粉貳錢伍分

牛黃

麝香

龍腦各半錢

細研入膏內和如皂子每服一粒竹瀝化下無時

祛風散 治胎癩多啼叫

胡黃連半兩

全蝎

犀角

天竺黃

麻黃去節各貳錢伍分

右各取細末和勻每服半錢入麝一字乳汁調下

鐵粉散 驚風面赤口乾大便秘不利尤宜服

鐵粉半兩

鬱金

牛黃

真珠

胡黃連各貳錢伍分

各研細拌勻每服一字温蜜湯調下

羗活膏 治胎癩昏困不省

羗活

獨活各壹兩

天麻

全蝎

人參去蘆

白殭蠶微炒各半兩

烏蛇肉壹兩酒浸一宿焙

右搗羅為細末煉蜜和膏每服皂子大麝香荆芥

胎癩

卷一

三

湯化下

麝香膏 治胎痛不得安卧

麝香 研

牛黃 研

白附子

蠶蛾 微炒

白殭蠶 微炒各貳錢伍分

全蝎 貳拾壹箇

右取淨末更研細密和膏如皂子每服一粒人參荆芥湯化下

胎痛者因未產前腹中被驚或母食酸鹹過多或為七情所沮致傷胎氣兒生百日內有者是也發時心不寧面微黃氣逆痰作目上視身反張啼聲

不出先用參蘇飲和解次以不驚丹或琥珀抱龍丸間投輕則可愈重者難全

參蘇飲 發熱驚

不驚丹 驚

琥珀抱龍丸 驚

胎風 小兒初生其身有如湯瀝火傷者此皆乳母過食膏粱所致也其母宜服清胃散 及逍遙散 方見女科 以清其氣血兒亦飲數滴可也有身無

皮膚而不嫩赤者皆由產母脾氣不足也用粳米粉傅之嫩赤發熱者皆由產母胃中火盛也用石膏傅之經謂脾主肌肉肺主皮毛故知病脾肺也如腦額

生瘡者火土相合遂成濕熱下流攻擊腎水也難治如脚上有瘡者陰虛火盛也此不滿五歲而斃如未滿月而撮口握拳腰軟如隨者此肝腎中邪勝正弱所致也三日內必不治如男指向裏女指向外尚可治眉紅亦不可治可治者用全蝎散方見口噤釣藤散方見驚等類治之若因大病虧損胃氣而諸臟虛弱所致者用補中益氣湯方見虛羸錢氏地黄丸方見腎藏若面唇赤色正屬腎水不足肝經陰虛火動而內生風熱爾當滋腎水以制陽光其身軟者內稟氣不足肌肉未堅也當參五軟而施治之 聖惠所云胎風原與胎驚混濫故此不取

胎驚兒在胎中母多驚悸或因食熱毒之物降生之後旬日之間兒多虛痰氣急喘滿眼閉目赤目胞浮腫神困呵欠呢呢作聲遍體壯熱小便赤色大便不通時復驚煩此因胎中受熱或悞服溫劑致令熱蓄於內薰蒸胎氣故有此證若經久不治則鵝口重舌木舌赤紫丹瘤自此而生宜先以木通散煎與母服使入於乳令兒飲之通心氣解煩熱然後以四聖散溫洗兩目目開進地黃膏天竺黃散及牛蒡湯當歸散亦令母服凡有胎疾不可求速效當先令乳母服

藥使藥過乳漸次解之百無一失若即以涼藥攻之必生他病乳母仍忌辛辣酒麪庶易得安不致反覆
生地黄湯氏湯 治小兒在胎時因母有熱或恣飲酒麪熱毒之物傳於胎中令兒生下而赤眼閉身體壯熱哭聲不止口熱如湯乃胎熱之候也

生地黄

赤芍藥

川芎

當歸

栝蒌根

右件等分咬咀每服半兩水一盞煎六分產婦亦可服以此少抹入兒口中

木通散 主小兒上膈熱小府閉諸瘡丹毒母子同

服

木通

地黃膏各半兩

大黃

甘草

赤茯苓各參錢

瞿麥

滑石

山梔子

車前子

黃芩各貳錢半

右水一鍾燈心三莖或入薄荷同煎

釀乳法

豬苓去黑皮

澤瀉

赤茯苓去皮

天花粉

茵陳

生甘草

生地黄

山梔去殼

右剉散用水煎食後令乳母捏去宿乳却服此藥

甘豆湯 治小兒胎熱

甘草 壹錢

黑豆 貳錢

淡竹葉 柒莖

右咬咀用水一鍾入燈心七莖煎不拘時候服

四聖散 主芽兒胎受熱毒生下兩日不開

燈心

黃連

秦皮

木賊

棗子 各半

右水一鍾煎澄清去查無時起洗兩日自開後服

地黃膏

地黃膏 治胎熱

山梔仁

菉豆粉 各壹兩半

粉草 陸錢

右為末用生地黃爛杵壹兩半和好蜜壹兩半以

薄瓦器盛在銅銚中煮成膏如稀糊相似候冷停

分入前藥末同在乳鉢內再研勻芡實大每以半

丸麥門冬湯化服

天竺黃散 見口瘡

牛蒡湯 見咽

當歸散 見潮熱

清胃散 見雜病 薛氏治胎熱用此

胎寒 嬰兒初生百日內覺口冷腹痛身起寒粟時發

戰慄曲足握拳晝夜啼哭不已或口禁不開名曰胎

胎疾 婦科 卷一 七十四
寒其證在胎時母因腹痛而致產經云胎寒多腹痛亦有產婦喜啖甘肥生冷時果或胎前外感風寒暑濕治以涼藥內傷胎氣則生後昏昏多睡間或吮乳瀉白若不早治必成慢驚慢脾凡有此候宜以中和飲當歸散合和水煨薑煎服使之微泄泄行進勻氣散調補泄止氣勻神安痛定手足舒伸次用參苓白朮散以養胃氣白芍藥湯去其寒濕乳母宜節生冷飲食庶易瘥也。又有手足稍冷唇面微青額上汗出不顧乳食至夜多啼顏似前證但無口冷寒戰名曰藏寒其疾夜重日輕腹痛腸鳴泄瀉清水間有不

泄者此證亦在百日內有之皆因臨產在地稍久冷氣侵逼或以凉水參湯洗兒或斷臍帶短而又結縛不緊為寒氣所傷如此宜以白芍藥湯及中和飲加鹽炒茴香茱萸水薑煎服并乳母同服。湯小兒胎中有寒生下不能將護再傷於風其候面色青白四肢逆冷手足顫動口噤不開乃胎寒之故或寒乘虛入藏作腹疼盤腸內疝。治法詳寒腹痛條

中和飲 方見

白芍藥湯 見

參苓白朮散 見

當歸散 方見

勻氣散 見

異功散方見薛氏治胎寒用此

錢氏曰胎實面紅目黑睛多者善笑胎怯面黃目黑睛少白睛多者多哭更別父母肥瘦肥不可生瘦瘦不可生肥也

胎肥者生下肌肉厚遍身血色紅滿月以後漸漸羸瘦目白睛粉紅色五心煩熱大便難時時生涎浴體法主之

天麻貳錢

蝎尾去毒

硃砂各伍分

烏蛇肉酒浸焙

白礬各叁錢

麝香壹字

青黛壹錢

右研勻每用參錢水叁碗桃枝壹握并葉伍柴枝同煎至十沸温熱浴之勿浴背

大連翹飲 治胎熱臍風小便不通及諸般瘡毒

連翹

瞿麥

荆芥

木通

赤芍藥

當歸

防風

柴胡

滑石

蟬殼

甘草炒各壹錢

山梔子

黃芩各半錢

右為末每服二錢加紫草水煎熱甚加大黃更詳證加減

薛氏曰胎肥乃受母胃熱所致兒用浴體法以疎通其腠理乳母服大連翹飲

胎怯者生下面無精光肌肉薄大便白水身無血色時時哽氣多噓目無精采亦宜以浴體法主之。初

虞世曰母氣不足則羸瘦而肉薄父精不足則解顛眼白多

胎黃小兒生下遍體面目皆黃狀如金色身上壯熱大便不通小便如梔汁乳食不思啼哭不止此胎黃

之候皆因乳母受濕熱而傳於胎也凡有此證母子皆宜服地黃湯及地黃飲子有生下百日及半週不

因病後身微黃者胃熱也若自生而身黃者胎疸也經云諸疸皆熱色深黃者是也犀角散主之若淡黃

兼白者胃怯也白朮散主之

生地黃湯 治小兒生下胎黃

生地黃 赤芍藥 川芎

當歸 各等分 右呔咀每服半兩水煎乳母服時時少抹入兒口中

地黃湯 生地黃 赤芍藥 天花粉

台心胎黃 刀斗

赤茯苓

去皮

川芎

當歸

去蘆

豬苓

澤瀉

甘草

茵陳

各等分

右剉散用水煎食前服

地黃飲子

治小兒生下滿身面目皆黃狀如金色

或面赤身熱眼閉不開大便不通小便如梔子汁

滿身生瘡

生地黄

赤芍藥

各貳錢

羌活

去蘆

當歸

去蘆

甘草

壹錢

右為極細末用燈心煎湯食前服乳母宜服仍忌

酒麪五辛之物

犀角散

治小兒胎黃一身盡黃

犀角

茵陳

栝蔞根

升麻

煨

甘草

龍膽草

生地黄

寒水石

煨等分

右咬咀用水煎不拘時候服

胎毒

田氏云月裏生赤肌膚如赤丹塗者先用牛黃

散托裏續用藍葉散塗外乳母服清涼飲子三大劑

牛黃散或即牛黃奪命散方見喘門清涼飲方見腹痛

張漢云嬰兒初生須

洗目令淨若洗不淨則穢汁浸漬於眼皆中使臉赤

爛至長大不差者名曰胎赤宜用二金散 曾純陽

之子始生旬月忽兩目俱紅弦爛澀癢成翳此因在

胎為母感受風熱傳於心肝而得先以百解散加當

歸散水薑燈心煎服次導赤散及牛蒡湯加黃連木

賊蟬殼水煎服自效 有因難產胎氣頗澀轉側差

緩其血壓於兒首遂至濺血滲下盛則灌注其眼不

見瞳人輕則外胞腫赤上下弦爛若投涼藥必寒臍

腑宜與生地黄湯主之

百解散 方見 二二六 當歸散 方見 二二六 牛蒡湯 方見 二二六

二金散方

黃連 去鬚

黃檗 各壹錢

右搗為麤末以乳汁浸一宿焙乾每用少許以新

綿裹用荆芥湯浸放溫熱時時洗之

真金散 治小兒初生洗眼不淨則淚澀漬於眼

皆中使臉赤爛至長不瘥母食熱物藥名曰胎

赤

黃連 去鬚

黃柏

當歸

赤芍藥 各壹錢

杏仁 去皮尖

右剉散乳汁浸一宿曬乾為極細末用生地黄汁

調一字頻頻點眼新綿裹荆芥湯浸温時時洗浴
母服洗心散

洗心散

甘草生

當歸

麻黃

芍藥

白朮

荆芥穗

大黃

煨各半錢

右爲極細末用生薑薄荷煎湯調化食遠服

生地黄湯

元祐孝奉五月十八日晴時休矣

幼科證集之一

